

昆陽州志卷之十四

署知州博白朱慶椿纂輯

藝文志

雜體文碑記

今夫文以載道經國之大業不朽之盛事胥在乎是
故道德文章古人竝重昆陽自唐宋以來佳篇巨製
雖屬寥寥然傳贊碑銘各體咸備謹擇其有關於政
治學校民生者彙爲一卷用以黼黻

皇猷津梁後學豈不休哉志藝文雜體

103000

皇朝制科錄卷之六

命以知生香集

卷之六

命以知生香集

卷之六

卷之六

卷之六

卷之六

卷之六

唐故河東州刺史之碑

唐朝故使持節河東州諸軍事河東州刺史上護軍

王府君碑銘

并序

成都閭邱均文

長子雲麾將軍行左鷹揚衛翊府中郎將使持節河
東州諸軍事兼河東州刺史上輕車都尉新昌縣開
國子公王善寶自書

夫神有所服謂之威名有所宗謂之德威無大者則
不能以覃服德非厚者則不能以獨宗是故靈鳳騰
絕於雲氣附從衆鳥猛虎耽踞於山林震恐百獸豈

其練飾毛羽以表嘉類之殊磨利爪牙以取雄羣之
勢蓋才力所素出苞象所自全固其然也抑聞赭汗
明珠多從於西域異物奇玩必致於南州期於服用
法駕充光內府千金是資萬乘爲器者何必顧池隍
而先貴黜幽荒而靡錄哉君諱仁求安寧郡人也其
胄出於太原因遷播而在焉十有餘世氏族之系肇
命王子著顯之美稱高汾晉若忠節義氣祖纘於家
風佐代經時歷書於史筆彼知今古無及其詳昔有
夏之衰棄稷不務至乎不窟用失其官自竄於戎狄

之間莫大於先君之業守以敦篤奉以忠信繼世其
德不忝前人擬之其倫庶以匹合清懿有矚所居必
聞而太伯逃吳文身之風既習少卿降虜毳幙之化
無違夫豈厭好典文甘心樸野事有興逸安山音石恆
高其宜時或可從愛禮必同其欲祖漏隨別駕幹具
英爽風理軒邁鷹揚雄於顯代驥足整於長途轉隨
大都督身曰律度材著梓漆劉宏望賢於十部陶錦
榮重於八州君遇行運之秀德膺鬼神之靈會道與
其貌天亶乃聰明月在懷璫霄溢目謂海蓋廣宏量

淳澹而愈深謂山蓋高巖谷隆邈而難仰智則有達
明則能通推可而行斯擇善而能動不事於所欲不
爲於所求和說所以久持貞果所以立斷倫敘多其
信行州里高其義聲大畧觀書知風聽樂擊劍盡騰
猿之術操弓過飲羽之妙可以往視爾事巨飭汝邦
故王制輔成以備貢賦至於五千里州十二師外薄
四海咸建五長君有運理羣物之才懷嘉保邊裔之
畧無待累次直綜藩條出身使持節河東州諸軍事
河東州刺史加上護軍由乎大翼負風凌天池以絕

奮巨鱗激水期孟豬而一宿乃若訓以生聚之方開
其資財之道顓川澤之利管山林之饒內足以養老
盡孝外足以事上供稅力役齊平教化清靜通其變
使人不倦愛其費使人以時賞及馬牛恩肥土域庶
心咸服異俗爭歸雖未能大革情性均之雅俗然其
一變風聲稱爲賢吏矣古風初以君將來寵於大圜古
以和其民人招慰奏置姚府以西二十餘州俾睦其
德自前漢六代來外事四夷開夜郎之道綏哀牢之
通凡屬分置風化率流旣處於僻界荒郵不能爲中

罔輕重時復廢棄但云羈縻君以壑

古地形平行殖

豐阜彼延企而慕思宜郡

古郡

縣以庶蓄在乎唐運實

効其勤孰與使者唐蒙疆畧南壑轉粟深於驚恐發

卒至於傷殘可同日論哉然貪戾君長負遠放命災

我城邑迫我平人陽瓜州刺史蒙儉實始其亂咸亨

之歲犬羊大擾梟將失律元凶莫懲君武則虓闕義

以憤惋擐犀衣以奮擊驅虎旅而先登滅其猖狂之

種殲厥逋誅之師遐垠是賴到於今而克寧勳在王

室藏於盟府則侯子綺吾破虜截級中罔蒙其惠帝

主勞其身曾何足尙嚴遵所謂周密無形爲計謀三
堅強不變爲罔家柱者已嗚呼舟日故矣誰留於變
化梁其壞乎已非於疇昔聖賢皆死天道何謂粵咸
亨五年八月十五日寢疾而終春秋四十四長子雲
麾將軍行左鷹揚衛翊府中郎將使持節河東州諸
軍事河東州刺史上輕車都尉新昌縣開國子公士
善寶炳靈滇水降神禺山端嚴有望簡貴不雜音儀
朗乎秋月詞令潤乎春雲如蘭之精猶金之利能慈
能惠不忌不刻誠立無易於暗昏言出必應於遠邇

故能保世滋大昭前之光鳴將驚人飛而食肉古張

博望收庸於屬國魏獻子受鐘於和戎功撰亮采職

庀中外雖則符守方鎮恆以宿衛京都至於朝廷班

爵之儀彝倫上下之敘樂懸禮物之數軍麾罔憲之

容莫不悉懷冒襟流入骨髓乃感念追遠永言孝思

污隆適從無所失道財時兼有執而能修張於神明

之器附於綬衾之物崇其封塋設此銘表鬱鬱潤澤

白虎之候可占洪洪博平雄龍之象終吉故其土性

純質有如上代安錯義軌弗踐終經聞斯行諸宜我

告始則知禮敬合荒自周公而乃來古不高墳傳孔
邱而其立固非率而作者聊便於事業迹而用者遂
成於典謨天身已沒而名不盡世彌久而功彌劭凡
百彥哲託乎鐫紀一稱至行二美俱存愛之斯錄之
矣敬之斯盡其道焉銘曰先王疆理其義賓睦小罔
附庸罔弗祇弗聖人在位羣生蒙福實乃駿賢爲之
司牧翼翼夫子守終純固振鱗洪波驤首天路開置
郡道招攜款慕平此兇驕埽茲氣霧高列時暢懋賞
維嘉敦愛種落輔助邦家嘗聞仁善享壽宜遐奈何

不續黃鳥嗟嗟先以遠日安其宅兆墓門將閉陰堂

不蹶曩漠隴煙哀悽山鳥行人墮淚空望銘表 昔

聖古曆元年古丑古正月古拾古洛古四古日古葬其重古拾古匣古月古

拾肆立

創建普照蘭若碑

釋溥瑞

昆陽在古爲上郡山水清秀田疇沃潤稻梁魚鼈之
饒園林風物之美郡牧高公節度阿湍博有勲業具
諸曠史州治之西去五里有山曰長松羣木蓊蒼水
石冷然郡牧高公避暑之所也相傳以爲勝地嘗祥
光夜發貫於霄漢州人咸睹之大德十一年先師大
休行化於州顧謂州人白上負雙髻下臨城池福地
也而輩胡德以堪之明年秋州之楊氏子有作烏波
索迦者曰楊連盟州之同志者一十七人以知州高

壽爲首卽厥處擬創精廬應先師之讖也其冬楊連
至鄴聞請主僧於圓照先師命太公尸其席更請名
以普照禪之旣而笑曰與圓照爲昆季矣時愚嘗與
坐焉太公號虛室州之楊氏子楊連之次弟也得業
於遍覺湛老得法於圓照先師其材器能立事任物
其智量能鑒古知今蓋古人所謂金剛王寶劍者也
旣至山鼎新基址營繕修葺期與諸方相若諸人信
之翕然向往富者出財壯者出力巧者出藝智者出
謀土木並興百工俱作不再歲而大殿適成中塑彌

陀如來釋迦彌勒三世佛像文殊普賢觀音勢至以爲部從紺螺爲髻黃金爲衣煥以五采絡以珠璫承以彌臺嚴以寶具莫不炫炫煌煌雍雍肅肅州人覩已倍加欣躍曰理極於此矣公知其根熟召而誨之曰實際地理不受一塵佛寺門中缺一不可今佛事未具而遽欲不受一塵不亦見卵而求時夜乎州人曰諾於是知州高壽益之以僧堂會首楊連增之以修屋李清甫者別創雲房僧普真者爲築溫室至加丈室山門樓臺庖廩衆所推工巍然大備皆能窮壯

極麗高深精穩雅稱人意暨乎默庵智公遁迹於山
捨以衣資卽堂中莊造極樂三聖像共彼緇侶專西
方之妙觀長松觀堂自此始焉其間往往有覩茲勝
迹而趨其風者或捨以珍財或捐以匹帛或給以糧
食或置以田疇又十年而適成偉觀殆甲於滇右矣
所謂宏堂連榻足以掛搭雲水高人淨几明窗足以
安排無心道者香庖饌潔堪除鶯子之疑妙觸宣明
可與古靈楷背旣厥功楊璉落髮爲僧悉罄家貲歸
於常住嗚呼其亦可謂至德也已矣延祐七年春虛